

AGRUPAMENTO EUROPEODE COOPERACIÓN TERRITORIAL DO
RÍO MIÑO
—AECT RIO MINHO—



**PLAN DE ACTIVIDADES
E ORZAMENTO**

2021

GRANDES OPCIÓNS DE PLAN E ORZAMENTO PARA O 2021

1. Contexto

O Agrupamento Europeo de Cooperación Territorial do Río Miño, en adiante AECT Rio Minho, é unha persoa colectiva de dereito público, constituída pola Comunidade Intermunicipal do Alto Minho e Deputación Provincial de Pontevedra, co obxectivo de promover a cooperación territorial transfronteiriza.

O AECT Rio Minho foi constituído, ao abeiro do Regulamento (CE) núm. 1082/2006, de 5 de xullo, do Parlamento Europeo e do Consello, alterado polo Regulamento (UE) núm. 1302/2013, de 17 de decembro de 2013, do Parlamento Europeo e do Consello, a través da escritura pública celebrada o 24 de febreiro de 2018, acto publicado na 2.ª serie do *Diário da República Portuguesa* do 8 de marzo de 2018, rexistrado no Comité das Rexións Europeas e publicado no *Xornal Oficial da Unión Europea* o 20 de abril de 2018.

O territorio de intervención do AECT Rio Minho abrangue 10 concellos que forman parte da CIM Alto Minho: Arcos de Valdevez, Caminha, Melgaço, Monção, Paredes de Coura, Ponte da Barca, Ponte de Lima, Valença, Viana do Castelo e de Vila Nova de Cerveira; e 16 concellos dos que integran a Deputación Provincial de Pontevedra: Arbo, A Cañiza, Covelo, Creciente, A Guarda, As Neves, Mondariz, Mondariz-Balneario, Oia, Ponteareas, O Porriño, O Rosal, Salceda de Caselas, Salvaterra de Miño, Tomiño e Tui.



O AECT Rio Minho, co obxectivo de contribuír ao desenvolvemento e reforzar a cohesión económica e social do seu territorio, ten como asignacións articular o espazo común e promover as relacíons de cooperación territorial no seu territorio, aumentar a cohesión institucional do espazo de intervención, promover o patrimonio cultural e natural transfronteirizo, promover o territorio do AECT Rio Minho no exterior para a valorización das potencialidades dos recursos endóxenos, ademais de crear e consolidar a marca turística transfronteiriza Río Miño e outras marcas no ámbito nacional e internacional.

Desde xullo de 2020 é asociado da Asociación Europea de Rexións Fronteirizas (ARFE/AEBR).



A execución do Plan de actividades 2020 está marcada polo peche das fronteiras entre Portugal e España (do 16 de marzo ao 15 de xuño) e polo impacto da crise pandémica da COVID-19, que provocou a cancelación e/ou o adiamento de diversas accións relacionadas coa execución dos proxectos cofinanciados polo programa Interreg V-A.

Así, unha das primeiras prioridades do Plan de actividades e orzamento para o 2021 do AECT Rio Minho será procurar a recuperación destes atrasos na execución de accións non realizadas no exercicio de 2020, fundamentalmente a conclusión dos proxectos Smart Minho e Visit Rio Minho.

A consolidación institucional do AECT Rio Minho e o desenvolvemento territorial do Río Miño Transfronteirizo serán tamén unha das prioridades para o 2021, apostando, por un lado, polo reforzo do traballo en rede coas dinámicas locais de cooperación transfronteiriza (A Guarda-Caminha-O Rosal; Cerveira-Tomiño; Valença-Tui; Monção-Salvaterra-As Neves; Melgaço-Arbo-Crescente), a través da implementación do proxecto Red Lab Minho e da conclusión do proxecto Smart Minho (tendo en conta a prórroga automática do prazo de peche destes proxectos respectivamente ata o 5 de abril de 2022 e o 5 de abril de 2021 debido á crise da COVID-19), ambos os dous cofinanciados polo programa Interreg V-A e, por outro lado, no proceso de articulación do AECT Rio Minho con entidades rexionais, nacionais e europeas.

A conclusión do proxecto Visit Rio Minho, cofinanciado polo programa Interreg V-A (tendo en conta a mesma prórroga automática de prazo de peche para o 5 de abril de 2021 debido á crise da COVID-19), realizarase tamén a través da colaboración coa CIM Alto Minho e a Deputación de Pontevedra nas actividades de coordinación xeral e na execución e conclusión das accións relacionadas coa estruturación da marca Rio Minho.

O soporte regular que, no ámbito do protocolo coa Câmara Municipal de Vila Nova de Cerveira, se lle prestará á Eurocidade Cerveira-Tomiño, ademais da súa eventual extensión a outras eurocidades, son tamén accións que continúan a ter relevancia no exercicio de 2021.

Daráselle prioridade tamén ao proceso de identificación de obstáculos á mobilidade e integración transfronteiriza no territorio do Río Miño e á promoción de colaboracións multinivel para o deseño de propostas de solucións, tras a capitalización de proxectos provenientes da Uniminho (saúde, transportes e ambiente) para a participación na iniciativa B-Solutions: Boosting Growth and Cohesion in EU Border Regions, promovida pola Comisión Europea e pola Asociación de Rexións Fronterizas de Europa.

A integración da Estratexia Río Miño Transfronteirizo 2030 nos plans nacionais e rexionais de programas de apoio á cooperación transfronteiriza para o próximo período de apoio de fondos comunitarios 2021-2027, ademais da creación dunha Intervención Territorial Integrada Transfronteiriza (ITI) serán tamén grandes prioridades do AECT Rio Minho para o exercicio de

2021. De xeito complementario, a identificación e a inserción en redes e colaboracións nacionais e internacionais que sustenten esta estratexia, así como a procura de fontes de financiamento nacionais e comunitarias e adhesión a eventuais candidaturas, están tamén dentro dos obxectivos da institución para este período.

Os recursos financeiros veranse afectados en función do cumprimento de obxectivos e metas fixadas nestes documentos tendo en conta a sustentabilidade financeira da institución, xa que o proceso de elaboración do Plan de actividades e orzamento se baseouna busca de solucións que permitan a súa optimización.



2. Actividades más relevantes

De acordo co contexto do punto anterior, a proposta de plan de actividades e orzamento para o 2021 baséase na implementación das actividades más relevantes que contribúen á realización da misión do AECT Rio Minho:

I. Actividades de consolidación institucional e desenvolvemento territorial do Río Miño Transfronteirizo

No ámbito do proceso de consolidación institucional do AECT Rio Minho, iniciado nos exercicios anteriores, a través da colaboración coas dinámicas bilaterais de cooperación transfronteiriza no Río Miño (Cerveira-Tomiño/Valença-Tui/A Guarda-O Rosal-Caminha/Monção-Salvaterra-As Neves/Melgaço-Arbo), e da articulación do AECT Rio Minho con entidades rexionais, nacionais e europeas, desenvolveranse neste exercicio os seguintes proxectos:

1.1 Conclusión do proxecto SmartMinho:

A **Estratexia de cooperación intelixente do Río Miño Transfronteirizo, Smart Minho**, que pretende promover a planificación estratégica transfronteiriza, darles apoio á constitución e consolidación do AECT Rio Minho e aplicar proxectos-piloto nas áreas do transporte, a mobilidade e a cultura, ten como socios a Deputación de Pontevedra (beneficiario principal), a CIM Alto Minho, o AECT Rio Minho e a Fundación Centro de Estudos Eurorrexionais Galiza-Norte de Portugal (FCEER) e está cofinanciado polo programa Interreg V-A.



Interreg
España - Portugal

Fondo Europeo de Desenvolvemento Regional
Fondo Europeo de Desenvolvemento Regional



SMART MINHO

A execución orzamentaria deste proxecto estivo marcada en 2020 polo impacto da crise pandémica da COVID-19, que provocou a cancelación ou adiamento de diversas accións, polo que o prazo de peche do proxecto foi prorrogado automaticamente pola Autoridade de Xestión ata o día 5 de abril de 2021.

Deste xeito, en 2021, e no caso de que as condicións de saúde pública así o permitan, o AECT Rio Minho concluirá a execución deste proxecto, en concreto a través da implementación das seguintes accións:

- **Realización do 2.º Foro Cultural Culturminho:** no seguimento da promoción pola Deputación de Pontevedra do 1.º Foro Cultural (dixital)Culturminho en outubro de 2020, o AECT Rio Minho realizará o 2.º Foro Cultural Culturminho en febreiro de 2021, que se deberá concentrar na organización de sesións/workshops de capacitación, formación e animación de asociacións transfronteirizas co obxectivo de mobilizar os axentes culturais do territorio e outros para a xeración de proxectos comúns transfronteirizos que poidan ser obxectivo de candidatura no próximo período de programación. O público obxectivo deste evento serán as e os axentes culturais públicos e privados de todo o territorio de intervención do AECT Rio Minho.
- **Implementación do proxecto-piloto de mobilidade suave Bike Sharing Rio Minho:** ten como obxectivo aplicar un sistema de xestión compartida de bicicletas eléctricas entre seis núcleos urbanos de elevada mobilidade (en colaboración coas eurocidades Cerveira-Tomiño, Valença-Tui e Monção-Salvaterra), e ligados á rede transfronteiriza de sendeiros verdes do Río Miño Transfronteirizo. Tras as debidas comunicacións e autorizacións legais, o sistema deberá estar en funcionamento en marzo ou abril de 2021 e será xestionado en conxunto polo AECT Rio Minho e as eurocidades de Cerveira-Tomiño, Valença-Tui e Monção-Salvaterra, polo que nos próximos 5 meses se traballará convxuntamente para articular un modelo único de xestión da operación e plan de mantemento, compartindo naturalmente os seus custos dunha forma equitativa; para esta operación espérase contar co apoio dos diversos axentes locais, concretamente empresas de animación turística e unidades de aloxamento,entre outros.

O sistema estará formado por 42 bicicletas eléctricas con GPS incorporado, a instalación en cada un dos concellos de cada eurocidade dunha estación de estacionamento virtual, o software de xestión do sistema, 1500 tarxetas de persoas usuaria, unha app para persoas usuarias e un ano de mantemento do contrato.

Preténdese que o AECT sexa a entidade xestora desta operación, polo que no orzamento para o 2021 están previstos 28.500 euros para gastos de xestión do mantemento da flota e de comunicacións e seguros e 28.500 euros de ingreso dos protocolos que se van realizar con Cerveira-Tomiño, Valença-Tui e Monção-Salvaterra.

- **Deseño e implementación de accións de promoción e divulgación dos proxectos piloto de mobilidade transfronteiriza** que se propoñerán no ámbito do plan de mobilidade transfronteirizo: en marzo ou abril lanzarase unha campaña promocional para dar a coñecer a posta en funcionamento do sistema Bike Sharing Rio Minho. Este servizo terá unha dobre dimensión: por un lado promover as relacións transfronteirizas da cidadanía destes concellos (usuarias e usuarios regulares) e, por outro lado, ofrecerelles tamén un servizo do territorio ás e aos seus visitantes turísticos (usuarias e usuarios puntuais), concretamente as e os visitantes que normalmente procuran as sendas e ecovías ao longo do río Miño, co que tamén se promove a marca Rio Minho;

Ademais, relacionado con este proxecto, o AECT Rio Minho elaborará unha proposta de convenio de cooperación transfronteiriza ao abeiro da Convención entre a República Portuguesa e o Reino de España sobre Cooperación Transfronteiriza entre Instancias e Entidades Territoriais, asinada en Valencia o 3 de outubro de 2002, de xeito que se aplique a solución do casoB-Solutions: **Boosting Miño River Cross-Border Mobility** polas autoridades de transportes, a CIM Alto Minho, os municipios fronteirizos do río Miño e a Dirección Xeral de Mobilidade da Xunta da Galicia.



- **Apoio á definición dunha ITI para o territorio do Río Miño Transfronteirizo:** tamén en 2021 e no seguimento dos traballos xa iniciados en exercicios anteriores, o AECT Rio Minho procurará integrar a Estratexia Río Miño Transfronteirizo 2030, ademais de defender a creación dunha Intervención Territorial Integrada Transfronteiriza (ITI) xunto coas entidades europeas, nacionais e rexionais responsables do deseño dos programas de apoio á cooperación transfronteiriza para o próximo período de recepción de fondos comunitarios 2021-2027, concretamente a Comisión Europea, os gobernos de Portugal e España, a Comisión de Coordinación de Desenvolvemento da Rexión do Norte e a Xunta de Galicia.

Para estes efectos o AECT Rio Minho apoiará tamén a CIM Alto Minho e a Deputación de Pontevedra na estruturación dun plan de acción que permita sustentar a proposta de Intervención Territorial Integrada para o territorio do Río Miño Transfronteirizo.

Este proxecto ten en 2021 unha dotación global de 93.775 euros, unha parte cofinanciada polo FEDER e outra financiada polos municipios ou concellos de Cerveira-Tomiño, Valença-Tui e Monção-Salvaterra.

1.2 Implementación do proxecto Red Lab Minho:

O proxecto **Rede de apoio ás dinámicas locais de cooperación do Río Miño Transfronteirizo, Red Lab Minho**, cuxo único beneficiario é o AECT Rio Minho, ten como obxectivo apoiar as dinámicas bilaterais de cooperación transfronteiriza do seu territorio, cun

investimento global ata abril de 2022 de 345.396 euros cofinanciado polo programa Interreg V-A; aplicaranse accións de capacitación e promoción do traballo en rede co obxectivo de crear unha plataforma colaborativa entre as dinámicas locais transfronteirizas, concretamente Cerveira-Tomiño/Valença-Tui/A Guarda-O Rosal-Caminha/ Monção-Salvaterra-As Neves/Melgaço-Arbo.



Este proxecto iniciouse en 2020, concretamente co desenvolvemento dos procedementos legais necesarios para a contratación do equipo responsable da implementación do proxecto; con todo, este proceso acabou sendo lento xa que, ademais da complexidade regular destes procesos de contratación en 2020 e do feito de que o AECT sexa unha entidade cun encadramento xurídico moi particular, sufriu tamén atrasos e incertezas moi relevantes debido á crise pandémica da COVID-19 (por exemplo, tardouse máis dun mes só para publicar os avisos no *Diário da República* en Portugal). Como este proxecto se basea fundamentalmente na capacidade de dinamización do equipo de proxecto, só en 2021, co equipo integralmente contratado, se reunirán todas as condicións para que o proxecto avance con toda normalidade e se recupere o atraso sufrido en 2020.

Hai que destacar que, fronte a estes impedimentos, xa en 2020 o prazo de peche do proxecto foi prorrogado automaticamente pola Autoridade de Xestión ata o día 5 de abril de 2022.

Así, en 2021 e no ámbito deste proxecto, que coordinará o Secretariado Técnico, aplicaranse as seguintes accións:

A1. Consolidación institucional do AECT Rio Minho: hai que destacar a articulación do AECT Rio Minho co territorio de intervención, ben con entidades sectoriais (2 protocolos), ben coas eurocidades que actúan no Río Miño Transfronteirizo (3 protocolos), de xeito que se estruture unha Rede de Gobernanza Transfronteiriza do Red Lab Minho; ademais, no ámbito desta actividade, en 2021 o AECT Rio Minho participará en 3 encontros promovidos polo Comité das Rexións/Plataforma EGTC Europa e/ou pola D G Rexio e a Association of.

Europeas Bordar Regions (AEBR), co obxectivo de integrar redes de cooperación e asociacións europeas, concretamente o encontro anual da EGTC Platform e a European Week of Regions and Cities.



A2. Consolidación e dinamización da Rede de Cooperación e Observación das Dinámicas Transfronteirizas: no ámbito desta actividade realizaranse 4 encontros sectoriais para promover a articulación entre os distintos axentes económicos, sociais e culturais co obxectivo de reforzar as redes de gobernanza Red Lab Minho, concretamente nos eixes das eurocidades Cerveira-Tomiño, Valença-Tui e Salvaterra-Monção; tamén en relación con esta actividade, en 2021 aplicarase e dinamizarase o Observatorio das Dinámicas Transfronteirizas co obxectivo de estruturar información e mellorar o coñecemento da realidade socioeconómica do territorio, xa que a acción de arranque deste observatorio xa se iniciou en 2020 e terminará no primeiro trimestre 2021 coa producción dun vídeo documental sobre o impacto socioeconómico do peche da fronteira en 2020 entre Portugal e Galiza(España) debido á crise pandémica da COVID-19.



A3. Capacitación, información e sensibilización das estruturas locais de cooperación bilateral transfronteiriza: no ámbito desta actividade crearáse un programa de capacitación institucional das eurocidades do territorio do Río Miño Transfronteirizo (4 accións en 2020), en articulación coa realización de 3 encontros técnicos ou sesións públicas para debater e avaliar temas prioritarios para a redución de custos de contexto da mobilidade transfronteiriza; no ámbito desta actividade tamén se deseñará un sistema de repartición de recursos, boas prácticas e ferramentas de xestión de proxectos transfronteirizos, de xeito que se apoie a construcción de axendas urbanas transfronteirizas das eurocidades en articulación coa Estratexia Río Miño Transfronteirizo 2030.



A4. Promoción da cidadanía transfronteiriza e europea: no ámbito desta actividade definírase un programa de participación pública transfronteiriza, concretamente a través das axendas urbanas locais transfronteirizas (3 accións) e da dinamización dunha sesión do Consello Económico e Social do Territorio do Río Miño Transfronteirizo inserido na axenda do Consello Consultivo do AECT Rio Minho.

Co obxectivo de crear as mellores condicións para a implementación das actividades do proxecto, deseñárase e aplicarase, ademais, un plan de comunicación que, por un lado, enmarcará e lle dará coherencia a todas as actividades e accións e, polo outro, producirá os medios necesarios para a súa comunicación e divulgación, concretamente a páxina web, redes sociais, *out pubs* gráficos etc.

Este proxecto ten en 2021 unha dotación global de 65.420,00 euros, que incrementa o valor de 70.674,37 euros referente a gastos de persoal imputados a este proxecto.

1.3 LIVHES (LIVHES: Living Heritage for Sustainable Development)

Proxecto aprobado en outubro de 2020 no ámbito da cuarta convocatoria do programa Interreg SUDOE da candidatura LIVHES (LIVHES: Living Heritage for Sustainable Development, da cal forma parte o AECT do Río Miño como beneficiario. Conta cun orzamento global de 1.110.000,00 euros; o orzamento total do beneficiario do AECT Rio Minho é de 130.000,00 euros (coparticipación de 97.500,00 euros, o 75% correspondente ao FEDER) e unha duración de 27 meses. O obxectivo xeral do proxecto é desenvolver e aplicar, a través de accións piloto, estratexias de xestión e valorización do patrimonio cultural inmaterial, promovido e recoñecido pola UNESCO, que promovan o desenvolvemento local sustentable e a cohesión dos territorios de intervención do proxecto a través de diversas accións de valorización do patrimonio. A asociación constitúena nove entidades das oito rexións SUDOE (Pyrénées Atlantiques-Nouvelle Aquitaine; Pyrénées Haut Garonnaisses-Occitanie; Cataluña; Navarra; Teruel, Burgos; Río Miño Cross-Border Region; Barcelos), e en 2021, o AECT Rio Minho será responsable da organización das Mesas Transnacionais e dun Forol Internacional de intercambio de experiencias sobre valorización do Patrimonio Cultural Imaterial e o desenvolvemento de experiencias piloto no territorio consistente nun centro de cultura imaterial transfronteriza difundido a través de soporte web(2021-23).

Para 2021 está prevista unha dotación global de 11.056 euros e de 18.161,53 euros referente a gastos de persoal imputadas a este proxecto.



1.4 Participación do AECT Rio Minho na Iniciativa da Comisión Europea B-Solutions: Boosting Growth and Cohesion in EU BorderRegions

No ámbito desta iniciativa promovida pola Comisión Europea en asociación coa AEGR, o AECT Rio Minho vai promover a execución da solución do caso **Boosting Minho River Cross-Border**



Mobility a través do apoio técnico á CIM Alto Minho, aos municipios fronteirizos do Río Miño e á Dirección Xeral de Mobilidade da Xunta de Galicia, na preparación dun convenio de cooperación transfronteiriza ao abeiro da Convención entre a República Portuguesa e o Reino de España sobre Cooperación Transfronteriza entre Instancias e Entidades Territoriais, asinada en Valencia o 3 de outubro de 2002, que permitirá a implementación de proxectos-piloto de mobilidade transfronteiriza, concretamente as extensións transfronteirizas dalgunhas das liñas de transporte que terán concesións no Alto Minho e en Galiza.



Tamén en 2021, o AECT Rio Minho, en asociación coas eurocidades de Cerveira-Tomiño, Valença-Tui e Monção-Salvaterra, desenvolverá os traballos relacionados co caso aprobado pola Iniciativa B-Solutions en 2020, **Miño River Nature 2000–Boosting Cross–Border Multi-level Governance**, co obxectivo de promover a implementación dun conxunto de accións de xestión transfronteirizada Rede Natura 2000 que poderá implicar, non só entidades asociadas á Administración pública central, rexional e local de Portugal e de España (Instituto Conservación da Natureza e Florestas, ICNF; Axencia Portuguesa do Ambiente, APA; Confederación Hidrográfica do Miño-Sil, CHMS e Xunta de Galicia), mais tamén a academia, as organizacións nongobernamentais para o ambiente (ONGA), o tecido empresarial local, as asociacións e cooperativas de desenvolvemento local e todos os individuos cuxo interese e competencias poidan contribuír activamente á sustentabilidade dosistema.

1.5 Outros proxectos:

- Acompañamento do proceso da candidatura “A Pesca nas pesqueiras do Río Miño”, sometida ao Inventario Nacional do Patrimonio Cultural Inmaterial (de acordo coa Portaría núm. 196/2010, de 9 de abril, e o Decreto-lei núm. 139/2009, de 15 de xuño), o 26 agosto de 2020, en Melgaço. O AECT Rio Minho, ao asumir a presentación desta candidatura, pretende reforzar a consciencia de que o patrimonio asociado ás “Pesqueiras do Río Miño” é un dos más ricos representantes da heranza patrimonial que relaciona a cultura material á cultura

inmaterial e natural do Río Miño.

Este proceso en Portugal foi promovido en colaboración coa CIM Alto Minho, os municipios fronteirizos portugueses e o Aquamuseu do Rio Minho, e en 2021 serán, neste caso en asociación coa Deputación de Pontevedra e cos concellos galegos fronteirizos, promovidas as dilixencias necesarias para que un proceso similar se poida facer tamén en Galiza (España).




- **Apoio a dinâmicas locais transfronteirizas:** no ámbito do Protocolo coa Câmara Municipal de Vila Nova de Cerveira, o AECT Rio Minho colaborará en 2021 na coordinación técnica da Axenda Estratégica Cooperación Transfronteiriza Cerveira-Tomiño; en 2021 avaliarase a posibilidade de que o AECT Rio Minho apoie as restantes dinâmicas locais transfronteirizas do Río Miño a través da realización de protocolos específicos de colaboración no ámbito do proxecto Red Lab Minho.



II. Actividades de preservación e valorización do RíoMiño

2.1 Conclusión do proxecto VisitRíoMiño:

O proxecto Preservación e valorización do Río Miño Transfronteirizo, Visit Rio Minho, ten como obxectivo a preservación e valorización do Río Miño transfronteirizo como destino ecoturístico de excelencia e ten como socios a CIM Alto Minho (beneficiario principal), a Deputación de Pontevedra, os municipios de Paredes de Coura, Melgaço, Vila Nova de Cerveira, Valença, Monção e Caminha, a Fundación Centro de Estudos Eurorrexionais Galiza-Norte de Portugal, o Centro Tecnolóxico do Mar, a Universidade de Vigo e o AECT Rio Minho, cofinanciado polo programa Interreg V-A.



A execución orzamentaria deste proxecto estivo marcada en 2020 polo impacto da crise pandémica da COVID-19, que provocou a cancelación ou o adiamento de diversas accións, polo que o prazo de peche do proxecto foi prorrogado automaticamente pola Autoridade de Xestiónata o día 05 de abril de 2021.

Cunha dotación orzamentaria de 28.239 euros en 2021, e no caso de que as condicións de saúde pública así o permitan, o AECT Rio Minho concluirá a execución deste proxecto, concretamente a través da implementación das seguintes accións:

- **Coordinación e dinamización do Grupo de Dirección de Proxecto**, que xunta representantes técnicos dos 12 socios co obxectivo de planear e monitorizar a



implementación das distintas actividades:

- **Participación en 2 feiras internacionais** (BTL en Portugal e FITUR en España), pola relevancia que estes mercados teñen para o Río Miño Transfronteirizo, en articulación co Consorcio MinholN e coa Entidade de Turismo Rías Baixas.
- **Promoción dunha *fam and press trip*** destinada a público que se considere relevante para a divulgación do Río Miño Transfronteirizo. Con esta acción preténdese que xornalistas e personalidades que poden influenciar a procura turística visiten a rexión e formen e divulguen unha imaxe positiva sobre o territorio.



2.2 . Outros proxectos:

A AECT Río Minho herdou de Uniminho un conxunto de resultados do proxecto ECOTUR (Plan de expansión dos corredores verdes, Guías ECOTUR, paneis de interpretación, APP ECOTUR), están a ser mellorados polo proxecto Visit_Río_Minho.

Así, en 2021, farase un esforzo para promover pola AECT Río Minho un proceso de consolidación das vías verdes transfronteirizas de Río Minho, mediante a definición dunha designación común que permita no futuro a xestión e promoción conxunta como produto integrado a nivel transfronteirizo.

Aínda relacionado con este tema, a AECT Río Minho acompañará a outros proxectos aprobados no marco do Programa INTERREG V A no seu territorio de intervención:

- "Fronteira Esquecida", aprobada no marco do Programa INTERREG V A, co obxectivo de mellorar os recursos naturais e culturais do río Lima e os seus arredores, así como crear e desenvolver unha estrutura de xestión e promoción conxunta dirixida ao uso turístico da zona.
- GERÉS_XURÉS_DINÁMICO, que ten como obxectivo fortalecer a identidade da Reserva de



Biosfera Transfronteiriza Gerês-Xurés, baseada na promoción dun desenvolvemento económico e turístico sostible e na protección e conservación do seu patrimonio natural e cultural. O proxecto ten como obxectivo aproveitar a riqueza de recursos endóxenos neste espazo natural único para dinamizar este territorio e contribuír ao seu desenvolvemento socioeconómico.

III. Outras actividades

3.1 . Participación en redes e colaboracións:

Co obxectivo de obter recursos e promover condicións para o desenvolvemento da súa misión e da súa estratexia e particularmente reforzar as actividades anteriores, en 2020, o AECT Río Minho continuará a promover e participar en redes e asociacións para eventualmente adherir ou integrar candidaturas no ámbito da cooperación territorial europea;

Tamén en 2021 o AECT Río Minho procurará establecer e **consolidar colaboracións con diversas entidades rexionais, nacionais e europeas**, quer inseridas en proxectos aprobados e en execución (Visit Rio Minho, SmartMinho e Red Lab Minho, LIVHES), quer promovendo outras asociacións e participando en eventos ou redes nacionais e internacionais (ex.: Comunidade de Traballo Galiza-Norte de Portugal; Asociación Europea de Rexións Fronteirizas, EGTC Platform, Plataforma Futurium, Redes AECT activas, European Week of Regions and Cities 2021), no sentido de promover intercambio de experiencias e boas prácticas e reforzar a capacidade de intervención na Eurorrexión Norte de Portugal-Galiza.

3.2 . Outras actividades:

O AECT Río Minho desenvolverá ainda todas as accións tidas por convenientes aos seus fins, concretamente a través dunha colaboración estreita coa CIM Alto Minho, a DEPO e a Comunidade de Traballo Galiza-Norte de Portugal na realización de actividades relacionadas coa cooperación transfronteiriza.

4. Recursos humanos necesarios


Para conseguir cumprir o presente Plano de Actividades e Orzamento é necesario promover o funcionamento dunha estrutura de xestión conxunta que asegure con rigor e eficiencia a xestión de proxectos e os procedementos administrativo-financeiros de acordo coa lexislación en vigor.

En concreto, para o funcionamento da actividade do AECT Rio Minho, nesta fase será necesario o Secretariado Técnico (2), xa instalado de acordo co artigo 20 dos Estatutos, para promover a mobilización e articulación dos recursos humanos da CIM Alto Minho e da DEPO que implicados na implementación dos proxectos Visit Rio Minho, Smart Minho e Red_Lab, cofinanciados polo programa Interreg V-A. En termos de mapa de persoal para 2021 está previsto ocupar, para alén dos dous postos de traballos para os Secretarios Técnicos, 1 posto de traballo de asistente técnico e 2 postos de traballo de técnicos superiores, que serán imputados aos proxecto Red Lab Minho, cofinanciado polo programa Interreg V-A e LIVHES e polo programa Interreg SUDOE.

5. Resumo do orzamento

O orzamento de 2021 ascende ao valor global de 377.700,00 euros, correspondendo a preto de 83% a gastos correntes, e tendo en conta que para o ano 2021 está prevista unha coparticipación financeira de 71.480,00 euros, de acordo co artigo 7 dos Estatutos, por parte de cada unha das entidades asociadas, CIM Alto Minho e Deputación de Pontevedra.

João Fernando Brito Nogueira



Director de AECT Rio Minho

Uxío Benítez Fernández



Vicedirector de AECT Rio Minho



Valença, 5 de novembro de 2020